

庸松齡年譜

路大荒 著
李士釗 編輯



87
K825.6
106=2

2

甬松齡年譜

BD28/d

路大荒
李士釗
編輯著

B

350632



蒲松龄年谱

路大荒 著

李士钊 编辑

*

齐鲁书社出版发行

章丘旭升印刷厂印刷

*

850×1168毫米32开本 6.125印张 4插页 119千字

1980年8月第1版 1986年8月第2版

1986年8月第2次印刷

印数：8001—10,700

书号 10206·12 定价 1.00 元
1.35




蒲松龄画像 朱湘麟绘



蒲松齡誕生處




蒲松龄墓新碑



蒲家庄柳泉

蒲松龄授徒、创作处
淄川西铺毕家之振衣阁



蒲松龄手稿

目次

蒲松龄年谱·····	(一)
蒲氏世系表·····	(六八)
柳泉蒲先生墓表·····	(七三)
清故显考岁进士、侯选儒学训导柳泉公行述·····	(七四)
蒲簪等祭父文·····	(七九)
蒲簪、蒲簠、蒲笏、蒲筠、蒲立德等行略·····	(八一)
蒲松龄年谱补遗·····	(八三)
蒲松龄先生遗著补考·····	(八八)
蒲松龄的故居·····	(九一)

「聊斋志异」作者蒲松龄画像·····	(九三)
聊斋全集中的「醒世姻缘」与「鼓词集」的作者问题·····	(九四)
蒲松龄·····	(一〇四)
弹词东郭传与鼓词东郭外传·····	(一一三)
蒲松龄的「南游诗草」介绍·····	(一二七)
整理蒲松龄诗文杂著俚曲的经过·····	(一二四)
谈谈济南朱氏本「聊斋志异」·····	(一五三)
贷钱典衣购《聊斋文集手稿》记·····	(一五七)
蒲松龄辑录「观象玩占」手稿与其所编著的「农书」简介·····	(一五九)
「蒲松龄集」编订后记·····	(一六四)
「蒲松龄集」与路大荒·····	李士钊(一七一)
编辑后记·····	李士钊(一九〇)

蒲松齡年譜（一九五七年重訂）

先生姓蒲氏，名松齡，字留仙，一字劍臣，別號柳泉居士，以先生有「聊齋志異」一書，故世多稱聊齋先生。生于山東淄川縣城東七里許之滿井莊。莊東有井，水常滿，溢為溪，大柳樹百章，環合籠蓋，隨溪逶迤，即柳泉也。莊之得名以此。（募建龍王廟序、蒲簪：柳泉公行述、張元：柳泉先生墓表、王洪謀：柳泉居士行略等。）淄川蒲氏系出元代般陽路總管蒲魯渾及蒲居仁，墓在邑城西北五里，華表翁仲，巍然尚在。相傳元代傾覆之余，祇遺藐孤，易姓更名，養于外家楊氏，至明洪武中，始復姓蒲，故蒲氏之興，自洪武始也。降至明末，子姓日繁，所居滿井莊，由此而易其名為蒲家庄。萬厯間，閭閻食飫者八人，蒲氏得六焉。嗣后科甲相繼，稱望族者，往往指屈之。（蒲氏族譜序、淄川縣志、蒲青笠墓志。）先生高祖世廣，邑廩生，贈文林郎。少聰慧，才冠當時。遺事見世系小傳。曾祖繼芳，邑庠生。祖生泐。父槃，字敏吾。少肯研讀，文倣陶

鄧，器识超远，淹博经史，虽终困童子业，宿儒无其渊博。值明季乱，遂去而贾。潜身耕读，不复入城市。平居混迹里巷中，粥粥若无能，蕴行殖学，毫不露诸齿颊。所积金钱，辄以义尽散去，而置产仅如中人，故垂暮家日贫。然闭户读经史，不以贫为虞。四十余苦无子，即以弟柅子为子。后累举四子，皆与弟诸子躬亲教之，而一时有声庠序者，遂有六人之多。嫡配董氏，庶李氏，子五。余见世系小传。（蒲氏族谱、李尧臣：蒲敏吾传，淄川县志、蒲箬：柳泉公行述、元配刘儒人行实。）柳泉先生为嫡母董氏所出之次，而于行则为四，兄三人，第一人，俱见世系。姊□人，妹□人，适某氏。（蒲氏族谱、蒲箬：柳泉公行述、元配刘儒人行实。）

明崇祯十三年庚辰（公历一六四〇年），先生生。

是年大饥，人相食。（淄川县志）五月大旱，饥，树皮皆尽，发瘞肉以食。（济南府志）先生于四月十六日夜戌刻，生于故宅之北房。

先生墓碑碑阴：「父生于崇祯十五年四月十六日戌时。」

按十五年系十三年之讹。

『聊斋志异自序』云：「松悬弧时，先大人梦一病瘠瞿昙，偏袒入室，药膏如钱，圆粘乳际，寤而松生，果符墨志。……」此盖先生故神其说，以病瘠瞿昙自况也。「降辰哭母」诗云：「因言庚辰年，岁事如饥荒，尔年于此日，诞汝在北房。……」

是年同邑友人高珩（念东）已二十九岁，孙蕙（树百）已九岁，唐梦赉（豹岩）已十三岁，毕际有（载绩）已十八岁。

同时名人王士禛（贻上）已七岁，施闰章（上白）已二十三岁。

崇祯十四年辛巳（一六四一），先生二岁。

正月，李自成占河南，杀福王（朱常洵）。张献忠占襄阳，杀襄王（朱翊铭）。（明纪）十一月李自成占南阳，杀唐王（朱聿键）。（明纪）

崇祯十五年壬午（一六四二），先生三岁。

挚友张笃庆生。

『张相国年谱』：「崇祯十五年正月二十日巳时，曾孙笃庆生。……」

按：张笃庆字历友，号昆仑山人，淄川人，明大学士张至发孙。学殖淹博，充选贡生，廷试不遇，专事著述，有『八代诗选』、『班范肪截』、『五代史肪截』，『昆仑山房集』，王士禛极称之。（清史列传、淄川县志）

挚友李尧臣生。

李尧臣『题王启磊为高凤翰绘南村图卷』自注云：「康熙壬寅，年八十岁。」

按：李尧臣，字希梅，号约庵，邑诸生。『淄川县志·文学门』有传。

十二月，清兵下兗州，魯王以派自杀。至济南，陷新城。（山东通志，王渔洋年譜）

崇禎十六年癸未（一六四三），先生四岁。

正月，李自成占承天。五月，张献忠占武昌。十月，李自成破潼关，遂占西安、延安诸郡。

清主黄台吉殂，第三子福临袭位，改元顺治。（以上明纪）

夏，淄川雨雹于双沟（庄名）之东，大者一，入地尺余，以苇席覆之不尽，如碌者甚多，邑令亲往观焉。（淄川县志）

十一月二十六日申时，夫人刘孺人生。

墓碑碑阴『母生于崇禎十八年十一月二十六日申时』。

按：崇禎十八年系十六年之讹。

孺人父季调，文学，讳国鼎，文战有声。孺人其次女也。

『述刘氏行实』：『孺人刘氏，蒲松齡妻也。父季调，文学，讳国鼎，文战有声。生四女子，孺人其次女也。』

崇禎十七年（清顺治元年）甲申（一六四四），先生五岁。

三月丙午，大风自西北来，昼晦。（淄川县志）

三月十九日，李自成占北京，明崇禎帝（朱由检）自缢死，明亡。四月二十九日，自成登帝

位，次日出北京西走。五月初二日，吴三桂引清兵入北京。马士英、史可法、刘泽清等，拥明福王（朱由崧）入南京，五月即帝位，定明年为弘光元年。十月，清世祖（福临）入北京，即帝位。（以上明纪）

顺治二年乙酉（一六四五），先生六岁。

毕际有拔贡。（淄川县志）

清廷下薙发令。李自成死。

史可法督师扬州，与清兵战，被执不屈死。明唐王（朱聿键）即位福州，改元隆武。明年被俘，死。鲁王（朱以海）监国舟山。（以上明纪）

顺治三年丙戌（一六四六），先生七岁。

二月，清会试天下举人。（清史、词林辑略）十二月，张献忠死。

顺治四年丁亥（一六四七），先生八岁。

是年高苑义民抗清领袖谢迁，聚众千人，破新城、长山诸县；六月十四日，入淄川据之，称号置官属；至七月十一日兵败。（淄川县志、王渔洋年谱、张笃庆年谱稿）

十一月，明桂王（朱由榔）称帝，建都肇庆，改元永历。（明纪）

顺治五年戊子（一六四八），先生九岁。

清廷詔滿漢官民，欲聯姻者从其愿。

夏六月，邑大水，坏六龙桥，孝水两岸树皆拔去。范阳河溢，城北尚家庄一时俱尽。（淄川县志）

顺治六年己丑（一六四九），先生十岁。

是年于山东铸钱。（山东通志）

唐梦赉成进士，改翰林院庶吉士，散馆授检讨。（国史本传）

顺治七年庚寅（一六五〇），先生十一岁。

是年棲霞民于七聚众起兵，攻宁海城，知州刘文淇死。（山东通志）

与从兄弟从父读，经史过目辄了，父最鍾爱之。

「述刘氏行实」：「初，松齡父处士公敏吾……四十余无一丈夫子，……既而嫡生男三，庶生男一，每十余岁，辄自教读。……」

李尧臣「蒲处士（敏吾）传」：「四十余无子，即以弟柷子为子。后累举四子，皆与弟诸子，躬亲教之。……」

蒲箬「柳泉公行述」：「先祖处士公，……字敏吾，少艰于嗣，四十余苦无子，得金钱辄散去。……暮年食指烦，家渐落，不能延师，惟躬自教子。先父天性慧，经史皆过目能了，处

士公最鍾愛之。……」王洪謀『柳泉居士行略』：『先生生而穎慧，經史皆過目輒了。……』

順治八年辛卯（一六五一）先生十二歲。

正月初五日，父敏吾槩卒。

蒲立德與車亮采訴訟供單：『曾祖槩，敏吾公，卒于順治八年，以故廟內順治三年碑，父子列名。……』

按：敏吾公卒年，墓碑、家傳、行略及有关各書，均無記載。乙亥殘腊，書賈徐壽齋携旧抄殘書一冊，云系自蒲家庄蒲氏得來。書為蒲立德與鄰村車亮采因滿井堂（即柳泉）廟產訟案資料，內有引順治三年廟碑所刊姓名為證，以有助我年譜之作，即重價收之。此碑尚存，余訪之，乃順治三年滿井寺（后稱為滿井堂）重修七聖廟碑，刊有蒲槩、蒲兆專（蒲槩仲子，見世系）姓名，所謂父子列名，當指此也。又考先生所撰『述劉氏行實』云：『時以虛舟之觸為姑罪，嗷嗷者竟長舌無已時。處士公曰：「此烏可久居哉！」乃析箸授田二十畝。……時仅生大男箬。……』依此，在清康熙元、二年間，敏吾尚存于世，與蒲立德之說極不相符合。姑志于此，俟異日再為研討。

蒲箬『柳泉公行述』：『正月初五為先祖父忌辰。』

顺治九年壬辰（一六五二），先生十三岁。

五月壬申雨雹，大者如盂，碎瓦伤人，时正获麦，晚者灾。（淄川县志）

顺治十年癸巳（一六五三）先生十四岁。

顺治十一年甲午（一六五四），先生十五岁。

顺治十二年乙未（一六五五），先生十六岁。

是年淄川、滨州、堂邑等县蝗。（山东通志）

是年刘孺人十三岁，因讹传清廷将选良家子充掖庭，诣婿家。

明永历帝（朱由榔）奔云南。（明纪）

顺治十三年丙申（一六五六）先生十七岁。

是年十月施闰章抵历下，任山东学道。

「施上白年谱」：「顺治十三年秋，奉使督学山东。……」

「独树轩记」：「予以丙申冬十月，抵历下受事。……」

毕际有授山西稷山知县。（毕氏家谱小传）

清廷修通鉴全书，纂孝经衍义。